

山左金石志

山左金石志卷第二十一

兵部尚書兼都察院右都御史總督湖廣等處軍務兼理糧餉東萊縣知縣
內閣學士禮部郎中黃廷建 商賈通事提督孫家鼐等請出東學政加三級既

同撰

元石

玉清宮募刻聖旨碑

太宗七年七月刻正書碑高一尺七寸五分廣二尺六寸
在離縣玉清宮神座下

右刻聖旨二道一題成吉思皇帝聖旨云云後書癸未年
案癸未乃元太祖卽位之十八年太祖以丙寅年卽皇帝
位羣臣上尊號曰成吉思皇帝一題皇帝聖旨云云後書
乙未年乃太宗卽位之七年也碑凡十八行字徑一寸二
分末行王可道書丹字徑七分

玉清宮募刻馬丹陽歸山操碑

正書碑高六尺六寸廣三尺二寸在濰縣玉清宮

右碑前刻琴曲歸山操八行字徑二寸五分後刻大定戊申定海軍節度副使吳似之跋六行字徑六分末有皇女宿國公主駙馬都尉唐括元義立石一行字徑一寸下角刻胡祥刊三小字以吳跋案之確是金人所刻朱勗齋因玉清宮建於元太宗七年遂與後二碑皆定爲建宮時募勒增於聖旨碑後今姑從之

玉清宮募刻馬丹陽滿庭芳詞碑

正書碑高四尺五寸廣三尺三寸在濰縣玉清宮

右碑前刻滿庭芳詞七行字徑二寸後刻吳似之跋十二行字徑八分末唐括元義立石一行字徑一寸下角刻劉

珍模刊四小字

玉清宮摹刻王長生蓬萊二字碑

無年月草書碑高三尺六寸五分廣二尺在濰縣玉清宮
右刻蓬萊二字徑九寸欸題長春子書徑一寸一分又有
濰陽玉清觀立石正書一行徑一寸三分

玉清宮摹刻邱長春遣墨跋語碑

草書碑高一尺五寸廣二尺一寸在濰縣玉清宮神座下
右碑前刻李志常跋八行後刻陳時可跋九行字體大小
不等朱明齋云二跋皆書於戊子春戊子爲太祖崩後皇
子拖雷監國之年下距太宗七年乙未僅八年蓋與歸山
操滿庭芳等碑同爲尹清和建官時所刻也

褒崇祖廟記

太宗十一年三月立八分書篆額碑高六尺二寸廣二尺在曲阜縣孔廟

右碑額題大朝褒崇祖廟之記四行字徑三寸文二十行字徑五分記爲東原李世弼撰後背歲次己亥春八十有三日五十一代孫襲封衍聖公主奉祀元措立石五十世孫權襲封充聖公主奉祀掃監造五十代孫擊書丹并篆額李信刻以文中時事攷之己亥乃蒙古太宗十一年也碑云癸巳當京城之變癸巳爲金哀宗天興二年是時元兵圍汴京哀宗殉國衍聖公孔元措時官太常卿於京師元太宗遂命元措還東平仍襲衍聖公主祀事碑所云遷於博再遷於鄆是也元措旣在東平曲阜主祀無人故以五十世掃權之孔擊闕里文獻攷失載

興國寺舍利塔令旨碑

正書碑高二尺廣五尺五寸在朝城縣

此碑右幅刻令旨一道并敕引凡二十七行字徑六分首行下有書丹僧法顯五字又令旨一道凡十二行字徑六分年月上鈐小印蒙古篆文方徑一寸三分左幅分上下二層上層皆蒙古文前後有二印方徑三寸一分下層譯文凡十八行字徑三分碑無立石時代惟稱蛇兒年又稱乙巳年當是太宗崩後六皇后稱制之四年也

光化寺碑

定宗元年四月立八分書篆額碑高六尺一寸五分廣二尺四寸五分在泰安縣徂徠山光化寺內

右碑額題重修光化禪寺之記四行字徑四寸文及題銜

凡二十行字徑一寸高詡撰文高翱書丹并篆額碑無時代惟云歲次丙午四月六日記案丙午爲元定宗卽位之年其時未有年號故但紀干支也

五峯山眞靜崔先生傳碑

定宗二年正月立八分書碑高五尺六寸廣三尺二寸在長清縣五峯山

右碑篆額未拓文十九行字徑一寸清亭杜仁傑撰文益津高翱書并篆額碑刻於丁未上元爲定宗二年距眞靜之化已二十七年矣

五峯山崔先生像贊石刻

無年月書體詳後碑高五尺七寸廣三尺四寸在長清縣五峯山

右碑刻虛靜真人畫像左旁刻虛靜真人四字右旁刻錦川散人沈士元子政莫年畫俱八分書字徑一寸下角刻司中刊三字正書徑九分上層像贊三首一爲元好問贊文一爲劉祁小篆一爲杜仁傑八分案劉祁附金史父從益傳祁字京叔爲太學生有文名值金末喪亂作歸潛志以紀金事

五峯山重修洞真觀碑

定宗三年十一月立正書篆額碑高九尺廣三尺一寸在長清縣五峯山洞真觀

右碑額題五峯山重修洞真觀記三行字徑七寸文十九行字徑一寸二分文爲元好問撰王萬慶書孔元措篆額史稱好問爲文有繩尺備衆體今觀此碑平衍無出色處

或托名爲之末題歲次戊申爲定宗三年是年三月定宗崩碑立於十一月正朝廷議立未決時也

王玉汝等岱頂題名

正書崖高五尺三寸五分廣一尺七寸在泰安縣岱頂雲峯西側

右題東平叅議王玉汝等從大行臺嚴公以己酉七月中齡謁岳祠竟是日遂登絕頂陳人徐世隆題凡四行左讀字徑三寸案己酉乃定宗崩後之次年大行臺嚴公卽東平路行軍萬戶嚴實也

洞真觀公據碑

正書碑高二尺廣一尺三寸五分在長清縣五峯山洞真觀

右碑首題東平府給四字徑一寸三分次刻公據文及觀
基四至年月凡十八行字徑五分後給付一行字體同首
四字最後書一使字徑三寸四分其下有押前後鈐印三
俱蒙古篆文方徑二寸碑但稱已酉年不紀年號據縣志
載是觀建於貞祐初碑又云累經兵革到今四十餘年則
此已酉亦定宗崩後之次年也

振衣岡題名二種

正書崖高五尺廣二尺五寸在泰安縣岱頂振衣岡

右刻未見拓本據朱朗齋所錄載之一題長樂劉詢鄱陽
程口程邁同登太平頂觀山日時元口壬辰四月凡五行
左讀字徑三寸刻於上載一題歲已酉十一月初五日泰
安州刺史張郁建立大行臺嚴公磨崖二碑模勒鄉貢進

士王天定吏目梁弼徐昇王坦石匠高政男高源楚太周
仙王成監修司候判官范元謹題凡八行字徑二寸五分
刻於下截已酉爲元定宗末年

劉修遇仙觀碑

正書碑高六尺七寸廣三尺在鄆城縣西南隅遇仙觀
右碑篆額未拓文二十四行字徑一寸孟仁撰文仇鑑書
丹篆額後題大朝庚戌年戊寅月立石庚戌爲定宗后海
迷失稱制之次年也

仰天山大佛寺石幢

正書石高二尺五寸凡四面圍二尺在臨朐縣仰天山大
佛寺

右幢已殘缺前刻記文後列僧衆施主姓名字徑六分紀

年書大朝庚戌歲十月初七日立石

新修靈惠公廟碑

憲宗四年十月立正書碑高七尺二寸廣三尺四寸在歷城縣龍洞靈惠公廟

右碑文三十行字徑一寸二分後題甲寅年四月日濟南路叅議前進士長山張泰亨謹撰并書是年十月日宣授濟南路總管民長官龔爵張開躬立甲寅乃憲宗嗣位之四年也

太真觀殘碑

正書碑高四尺三寸五分廣二尺四寸在掖縣

右碑祇存上半截凡二十一行字徑一寸朱朗齋云碑文有大朝啓祚之語知爲元初之碑又碑末以攝提格紀歲

知是寅年以意揣之當爲甲寅茲姑增此以俟攷定

鄒平縣丞孫公祖考墓銘

憲宗五年三月刻正書石高三尺一寸廣二尺五寸五分
在鄒平縣西北孫家莊孫公墓上

右刻額已佚文二十五行字徑一寸王時可撰滕口谷書
丹并題額銘爲縣丞孫福而作因連及其祖考遂題曰孫
公祖考墓銘亦屬剗見碑無時代惟稱甲寅疾卒乙卯立
石以文中敘事攷之乃憲宗五年也

重修鄭康成廟碑

憲宗五年六月立正書篆額碑高五尺二寸廣二尺八寸
在淄川縣東費山之陽

右碑額題重修鄭公廟記三行字徑三寸文二十四行字

徑一寸末刊工姓名一行字徑五分張泰亨撰文李國綽書丹王蒸摹寫王道崇篆額碑末紀年稱歲在乙卯以文中天朝開創海內甫定幾三十年等語攷之當是憲宗五年其時未有國號年號故祇稱天朝而以干支系年爾

興仙觀碑

憲宗七年九月立正書碑高七尺廣三尺一寸在掖縣城北王家村興仙觀

右碑篆額失拓文二十一行字徑一寸三分丁珏撰文杜春書丹篆額碑立於強圉大荒落之歲是爲丁巳年卽憲宗七年也

神清觀碑

憲宗八年十月立正書碑高六尺六寸廣三尺三寸在寧

海州大臯嵒山神清觀

右碑篆額未拓文三十行字徑一寸後題大朝歲次戊午十月望日太原李志鼎口東山漫叟高嘔書丹并篆額及寧海州等處達魯花赤諸銜案戊午爲憲宗八年

濟南路叅議段徽神道碑

憲宗九年三月立并額俱正書碑高七尺二寸五分廣二尺八寸在厯城縣喻山

右碑額題故濟南路叅議段公神道碑銘三行字徑三寸文三十行字徑九分張泰亨撰并書丹碑稱大行臺清河公卽張榮也榮有子七人次邦直官行軍萬戶碑云徽有女五次適行臺公次子邳州行軍萬戶張邦直史不言邦直之官在邳州亦是關畧段徽之卒在丙辰年碑立於己未

年丙辰是憲宗六年己未則九年矣

王重陽悟真歌石刻

無年月行書碑高八尺八寸廣二尺五寸五分在掖縣

右碑兩面刻文凡十四行字徑四寸碑爲邱長春書朱朗齋云長春受宣事在元初正當未有年號之時因附於憲宗之末

鎮國上將軍張侯神道碑

世祖元年立正書碑高九尺廣三尺四寸在館陶縣

右碑篆額未拓文二十七行字徑一寸二分徐世隆撰文王錦書丹高翽篆額張侯諱弼金大安貞祐年間遭時變亂國兵自衛庚辰年以地附東平行臺公卽嚴實也元史嚴實傳所載戰伐之事多與碑合而獨不及張弼姓名但

云甲午朝和林授東平路行軍萬戶偏裨賜金符者八人
張侯當在其中也碑立於庚申是年三月世祖卽位五月
十九日始建元爲中統立碑之月已殘泐必在五月以前
故不稱中統而猶稱歲庚申也

長春觀碑

中統二年七月立正書篆額碑高五尺六寸廣二尺三寸
在泰安縣岱廟

右碑額題長春觀記二行字徑五寸文二十三行字徑八
分撰文者元和子未詳姓名

重修伏羲廟碑

中統二年九月立并額俱正書碑高八尺五寸廣三尺六
寸在魚臺縣鳧山麓伏羲廟

右碑額題重修伏羲聖祖廟碑二行字徑四寸文二十九行字徑一寸孟祺撰文李禪書并題額

段氏祖塋碑

中統二年九月立正書碑高五尺八寸廣三尺在昌樂縣東南洪陽埠

右碑篆額未拓文二十二行字徑一寸二分文詞淺陋無可稱述

靈虛宮改額加號記

中統四年四月立正書陰行書碑高七尺七寸廣二尺五寸五分在掖縣靈虛宮

右碑文十九行字徑一寸撰文者史志經碑陰刻呂口滿庭芳詞一闕六行字徑四寸

宮山殘碑

無年月正書碑高二尺廣二尺三寸在新泰縣宮山

右碑殘闕殊甚詳玩文字皆施主姓氏及山土界址蓋因
修建寺觀并刻四至以垂久也碑無時代中有彈壓提按
等官此是元制朱昶齋據碑有中鈔若干兩謂是中統鈔
之省文鈔始於世祖中統元年因列此碑於中統末今從
之

紫薇觀碑陰

無年月正書篆額碑高三尺五寸五分廣一尺七寸五分
在臨朐縣

右碑額題碑陰之記四字橫列徑四寸碑闕下截所載皆
姓名据府志云紫薇觀元中統間建則此碑或彼時所立

也

張宣慰登泰山記

至元二年二月立正書額八分書碑高四尺廣二尺三寸
原在泰安縣岱廟延禧殿今移縣署土地祠

右碑額題東平府路宣慰張公登泰山記三行字徑二寸
文二十五行字徑八分杜仁傑撰記王禎書篆碑稱宣慰
張公不詳名字里居以史攷之卽張德輝也史傳稱德輝
字輝卿冀寧交城人世祖卽位起爲河東南北路宣撫使尋
遷東平路宣慰使春旱禱泰山而雨至元三年秋叅議中
書省事皆與碑文合惟世祖以字呼之傳敘於世祖未卽
位以前碑則敘於河東報最之後爲不同耳

萬戶孟德神道碑

至元二年三月立正書篆額碑高七尺二寸廣三尺在齊東縣城南孟公墓上

右碑額題濟南孟公神道之碑二行字徑三寸文三十五行字徑七分張元方撰文而連及其父進士張翔之名爲碑刻中初見孫瑜書丹并篆額字多別體

二節祠堂碑

至元二年四月立正書陰行書碑高三尺六寸廣二尺三寸五分在掖縣

右碑文十九行字徑一寸古邠進士王麟撰文碑陰刻昭君怨詞一闕凡五行不署年月并附載之

總管張公先德碑

至元三年十月立正書碑高六尺八寸廣三尺五五分在濟

陽縣東北張公墓上

右碑篆額未拓文二十五行字徑一寸換文者濟南提舉學校官高詡篆額者山東東路轉運使王博文獨書丹之趙文昌無結銜而其書頗秀整可觀據至元十二年泰安修宣聖廟碑有長清縣尹趙文昌未知卽其人否

鎮撫秦公先德碑

至元三年十一月立正書碑高六尺七寸廣三尺五寸在濟陽縣

右碑篆額未拓文三十二行字徑八分高詡換文李敬蘭書并篆額

淄川縣學講堂詩刻

至元四年正月立正書碑高一尺四寸五分廣一尺九寸

在淄川縣學

上
重新式喜賦長句

淄萊路總管府判官徐世望

兵餘芹館□荒涼火仆殘碑兩仆墻祀事有常先構殿講筵無
所重須堂諸生弟勉詩書業千古何慚禮義鄉獨欠邑賢楊處
士我曹狂斐謾成章

淄川古名郡也其廟學兵後焚蕩無餘土官張□暨諸鄉賢果
上人等重修

宣聖殿□新□像歲供牲幣之祀所謂興讓講誦良未暇也迨
及至元三年夏□□□□下車是邑越明年政通人和□□□
舉於是首以興學爲務命工鳩衆□董其役雖一木一石必自
指揮安置□□□□堂庠庖廩屹然一新仍榜其堂曰止善蓋

取大學在止於至善之義耳迺於旬休日躬率僚屬及後學諸生講讀經史且賦前詩以相勉勵僕竊以學者講習之區教化之本原臨民莅政倡緩而實急○是也公乃首議創此亦可謂知所先務矣他日將見邦民興禮讓之風變至道之化孰謂非公啓之乎時四年元宵后二日教授范○謹跋 溜川縣主簿賈用章立石 張泉刊

右刻詩并跋語凡二十三行字體大小不等案此詩爲有元初興學校時所作而府縣志乘皆略焉不書爲可嘆也
重建太微觀碑

至元四年四月立正書碑高五尺九寸廣二尺四寸五分
在掖縣東北朱橋鎮太微觀

右碑文十五行字徑一寸二分高志朴撰文宋志方書丹

洞真觀主者王氏葬親碑

至元四年五月立正書額八分書碑高四尺四寸廣二尺四寸五分在長清縣五峯山洞真觀

右碑額題王氏葬親之銘三行字徑三寸文十八行字徑一寸四分杜仁傑撰文王伯善題額張志偉書丹末行題大朝至元四年重五日以文證之當是世祖至元四年其時未定國號故猶稱大朝也

丹陽公言子祠堂記

至元五年十一月立并額俱正書碑高六尺一寸廣二尺八寸五分在城武縣西言子祠

右碑額題丹陽公祠堂記三行字徑四寸文二十二行字徑一寸二分撰文者王鶚書丹者李謙題額者王鑾

務本園記

至元五年立并陰俱正書篆額碑高五尺七寸廣二尺六寸在泗水縣

右碑額題務本園記二行字徑三寸五分文二十行字徑一寸趙本撰文楊守義篆額書丹碑陰刻官吏姓名凡二列字徑八分

重修慈雲禪寺碑

至元六年七月立正書篆額碑高八尺五寸廣三尺在濟寧州晉陽山慈雲寺

右碑朱朗齋自他處借錄未見拓本額題重修慈雲禪寺二行字徑三寸文三十二行口休道人淨秀撰書

禪定寺碑

至元六年立正書碑高五尺九寸廣三尺在曹州府西北
禪定寺

右碑額未拓文三十行字徑八分撰書人名已磨滅

長生萬壽宮披雲真人制詞碑

至元七年三月立正書碑高三尺廣一尺六寸三分在掖
縣

右刻至元加封宋德方制詞凡十行字徑一寸三分

李氏遷葬祖塋碑

至元七年閏十一月立正書碑高四尺五寸廣二尺四寸
在益都縣城北馬蘭村東南

右碑篆額未拓文二十行字徑一寸楊宏道撰文趙時中
書丹張筠篆額

交殊院山界公據碑

至元七年立并額俱正書碑高二尺六寸廣二尺五寸在臨朐縣交殊院

右碑額已闕右角存山十方文殊禪院山場四至碑記十三字橫列徑一寸文三十一行字徑七分

副總將軍李璟墓碑

無年月正書碑高四尺五寸廣二尺四寸在平度州城東李公墓上

右碑大半殘蝕可辨者祇十九行字徑一寸立石年月無存朱朗齋以碑文攷之增於至元七年

陳慶甫詩刻

至元八年三月刻書體詳後石高一尺七寸五分廣一尺

八寸在陵縣

北隴南莊幾老翁力田還與子孫同倉箱歲計西成後水土
君恩北望中磁甃瓦盆轟夜飲村簫社鼓賀年豐醉歸不記匡
牀卧月上頽垣草屋東

飄蕭雙鬢似飛蓬朴野中存太古風雨宿雲耕爲出處麥秋蠶
月見窮通雍熙自入

唐虞化隱約能談禹稷功馬首不知緣底事洗杯來壽使君公
至元七載冬十一月二日口齋陳祐案部過此乃書老農二詩
於平原之廨舍

嘉議大夫山東東西道提刑按察使陳公慶甫家世古趙爲河
南道總管既久又以洛邑爲家焉性沈毅果斷不惑政事之名
浮于文學好作古文字至于詩皆擲拾所見之實其蕩心溺志

浮浮無據之語不作也探其源委皆從體國憂民處所發出故其動于中形于言者非黼黻王猷則箴勺人情者也 公行案
刻書此詩於公館州牧黃侯彥文同知德州事金臺閣侯巨川
德州判官古宛馬侯頤之暨長史渤海馬君國寶聚而言曰
公之忠愛乃見于詩詩之質厚有章其化而楮墨不可以恒久
於是召匠刊石庶永其傳嗚呼人之所以附青雲之士豈無所
用其心哉至元八年三月上旬州學教授長平宋景祁跋
右刻前半詩十行字徑一寸後半跋十行字徑六分

書祥觀碑

至元八年十二月立正書篆額碑高四尺二寸五分廣二
尺一寸在淄川縣梓桐山書祥觀

右碑額題書祥觀記二行字徑三寸文二十一行字徑一

卷之三
寸張勵齋撰文張惟貞篆額苗元書碑

萊州望祀江濱記

至元九年二月立正書石高一尺五寸廣三尺一寸在掖縣

右刻文九行字徑一寸二分末題名三行字徑四分案元史世祖本紀至元九年正月勅燕王遣使持香楮祀岳瀆后土卽此碑所記之事

黃縣重修宣聖廟碑

至元九年二月立正書篆額碑高五尺四寸廣二尺一寸五分在黃縣學

右碑額題重修宣聖廟記三行字徑二寸五分文二十二行字徑八分敘論遲忠撰文司吏杜瑄書丹務官鄒寧篆

額

雲峯觀碑

至元九年立正書碑高七尺廣二尺六寸在滕縣城西白
了村雲峯觀

右碑篆額未拓文二十二行字徑九分道士茅志宣撰書
無祿尹韓佑墓碑

至元九年三月立并陰俱正書碑高五尺廣二尺四寸在
海豐縣城東韓氏墓上

右碑已漫漶莫辨行數存者字徑七分撰書人姓名亦泐
碑陰列子女等名凡三列字徑七分

萊山月主祠孔文貞詩刻

至元九年八月刻石高二尺五分廣一尺八寸在黃縣萊

山月主祠

右刻孔文貞詩七絕二首七行字徑九分後遲忠跋八行字徑七分詩載縣志茲不錄

張志賢修行記

至元九年十二月立并陰俱正書碑高四尺三寸廣二尺一寸在臨胸縣

右碑文二十三行字徑八分林和之撰李晉材書碑陰刻施主姓名二十六行後刻本山四至及給榜年月字體皆大小不等

長春子清天歌石刻

至元十年八月立并陰俱行書碑高六尺四寸廣二尺六寸五分在掖縣

右碑兩面刻長春子清天歌十四行字體大小不等

長春子梨花詩詞石刻

無年月正書石高三尺六寸五分廣一尺九寸在掖縣

春遊浩蕩是年年寒食梨花時節白錦無紋香爛漫玉樹瓊苞
堆雪靜夜沈沈浮光藹藹冷浸溶溶月人間天上爛銀霞照通
徹渾似姑射真人天姿靈秀意氣舒高潔萬化參差誰信道
不與羣芳同列浩氣清英仙材卓犖下土難分別瑤臺歸去洞
天方看清絕長春真人讚武官梨花詞無俗念

右詞一闕在碑陽凡八行行十四字字徑二寸

白帝離金闕蒼龍下玉京地神開要妙天質賦清英色貫銀蟾
媚香浮寶殿清參差千萬樹皎潔二三更豔杏無光彩妖桃陪
下情梅花先自匿柳絮敢相輕最好和風暖尤佳麗日晴游人

期放曠羽客賀昇平未許塵埃染常資雨露榮郭西傳舊跡山
北耀新聲爛漫鶯穿喜扶疎鵲踏驚珠宮當戶牖芝室近簷楹
綽約姑山秀依稀華嶽精曾看年穀熟普濟法橋成
長春

真人作武官梨花詩

右詩一首在碑陰凡九行行十七字正書徑二寸

洞真觀寧真子墓碣

至元十年十二月立并額俱正書碑高四尺七寸廣二尺

二寸五分之在長清縣五峯山洞真觀

右刻額題寧真子田先輩墓碣四行字徑二寸五分文二

十二行字徑九分

泰安縣重修宣聖廟碑

至元十二年四月立正書篆額碑高五尺二寸五分廣二

尺三寸在泰安縣學

右碑額題至元重修宣聖廟記四行字徑四寸文二十一
行字徑九分李謙撰記趙文昌書楊桓篆額

演公大師塔銘

至元十三年閏三月立正書石高二尺凡八面圍四尺三
寸在諸城縣廬山寺北隅

右刻文二十行字徑六分

重修靈派侯廟碑

至元十三年十月立正書篆額碑高三尺六寸五分廣一
尺七寸在泰安府城西濤河將軍廟內

右碑額題重修靈派侯廟之記四行字徑二寸二分文二
十行字徑七分州教授王禎撰并書篆

萬壽宮經幢記

至元十四年六月立正書石高一尺凡八面圍二尺八寸
在益都縣城內祿氏廟

右經幢久佚祇存幢趺刻張履記文尙完好此從段赤亭
益都金石記錄入未見拓本

帝堯墓碑

至元十四年十一月立八分書碑高四尺一寸廣二尺五
分在濮州堯陵

右碑刻帝堯墓三字徑一尺三寸二分款題大元至元十
四年冬至日朝散大夫濮州尹高唐徐世雄立石馮玉刊
一行字徑一寸二分

重刊蔡京州學二字碑

至元十四年十一月立正書碑陰并額亦正書碑高五尺五寸廣二尺七寸在東平州學

右碑刻州學二字徑二尺二寸款題翰林學士承旨蔡題元符二年中元前一日二行分刻兩旁字徑一寸八分碑陰額題重刊州學二字碑陰記三行字徑四寸文二十三行字徑一寸張郁撰高瑾書并題額案州學二字本蔡京書京以宋元符二年由翰林學士承旨來知鄆州因書此二字越二百年其裔孫蔡德潤官東平等路都轉運使因見舊刻破裂重爲摹勒也

臨朐縣復立縣事碑

至元十五年十月立正書碑高三尺廣三尺五寸在臨朐

縣治

右碑祇存上半截文二十八行字徑一寸案元史地理志益都路益都縣倚郭至元三年併臨淄臨朐二縣入焉十五年割臨淄臨朐復置縣而不詳臨朐縣之復置月日得此斷碑乃知臨朐復縣事在至元十五年六月初二日也世祖本紀中統三年二月己丑李璫反引麾下趨益都甲午李璫入益都三月戊寅萬戶韓世安等大破李璫兵於高苑四月丁亥詔博興高苑等處軍民嘗爲李璫脅從者並釋其罪此碑所云鳥驚獸竄弱肉彊食皇帝哀斯民無辜肯從罔治蓋所紀與史合也惜下截全失無從得全文讀之

堅公壽塔銘

至元十六年四月立正書凡三石每石方廣一尺八寸在

諸城縣廬山寺

右碑文十一行字徑一寸無撰書姓名

石之溫墓碑

至元十六年七月立正書碑高二尺九寸廣一尺六寸三分在掖縣城東石之溫墓上

右碑文八行字徑一寸四分末行字徑六分

勑修河山寺碑

至元十六年九月立正書碑高六尺廣三尺二寸在益都縣東北范疇莊河山寺

右碑未見拓本據段赤亭益都金石記載之文及前後題銜凡十九行字徑一寸

萊蕪縣宣聖廟碑

至正十七年六月立正書額八分書碑高六尺三寸五分
廣二尺七寸在萊蕪縣學

右碑額題宣聖廟碑二行字徑五寸五分文二十七行字
徑八分後書晚進王天挺敘在謹記并書亦辨見也

伏羲皇祠碑

至元十七年八月立正書篆額碑高七尺五寸廣二尺五
寸在嘉祥縣范山伏羲廟

右碑未見拓本據朱朗齋所錄載之額題伏羲皇祠之碑
一行字徑三寸文二十四行未詳字之大小

徐世隆詩刻

無年月正書石高一尺七寸廣二尺在泰安縣岱廟環詠

亭

記夢五言

我夢天倪子同登日觀峯骨彊清似鶴步健老猶龍方外無官府堂中有岱宗僊閭真福地杖屨會相從

翰林集賢學士正議大夫知制誥同修國史徐世隆書

復齋送天倪子還泰山

九十行年髮未華道人風骨飽煙霞洞天福地三千里神府僊閭第一家牛膝藥靈樹美醞兔豪盞淨罍芳芽隱居自愛陶宏景莫作山中宰相誇

右詩刻几十三行前詩字徑一寸三分後詩徑一寸徐世隆元史有傳至元十四年官至山東提刑按察使十五年移淮東十七年召爲翰林學士又召爲集賢學士皆以疾辭年八十卒此刻結銜云翰林集賢學士知制誥同修國

史傳未載制誥國史之職而翰林集賢學士當在至元十七年也後詩題復齋送天倪子還泰山復齋是世隆之號天倪子未詳其名据元遺山有呈布山天倪張真人詩當卽此人惟泰山布山互異耳

孟公總把先塋碑

至元十八年二月立正書碑高六尺八寸廣三尺一寸在鄒平縣西南董家莊孟氏墓上

右碑篆額未拓文磨滅難辨惟首行鄒平孟公總把先塋之碑伊京撰并書丹篆額及後年月一行尙完好

重修東嶽行宮三門碑

至元十八年五月立正書篆額碑高七尺九寸廣二尺八寸在歷城縣東嶽廟

右碑額題重修行宮三門之碑二行字徑二寸五分文二十行字徑一寸二分李珪撰文

孟墓碑

至元十八年六月立篆書碑高五尺八寸廣二尺厚四寸五分在鄒縣東北四基山麓孟子墓上

右碑題先師鄒國公墓六字徑九寸側題奉訓大夫簽山東東西道提刑按察司事祁陽霍天祥既諭所屬官司作祭堂又碑立石大書以下闕至元辛巳夏六月壬辰門生魯人楊桓題監修官選頭賽巡檢岱宗夏英凡二行八分書徑一寸二分

清安禪師塔銘

至元十九年六月立正書篆額碑高五尺廣二尺九寸五

分在長清縣靈巖寺

右碑額題清安禪師方公塔銘四行字徑四寸五分文三十行字徑八分撰書人姓名已缺

福公禪師塔銘

至元十九年十月立并額俱正書碑高五尺廣二尺六寸七分在長清縣靈巖寺

右碑額題福公禪師塔銘三行字徑五寸文二十四行字徑一寸末行小師等名字徑五分沙門淨肅述正閑書

重修闕里府垣記

至元十九年十二月立正書石高二尺廣四尺八寸在曲阜縣孔廟

右碑文四十三行字徑一寸末角有朱玉刊三小字濟寧

路教授楊桓撰文五十三代孫曲阜縣尹兼諸軍奧魯權
主祀事治立石

常山祠重摹蘇東坡雪泉記碑

至元十九年立正書碑高四尺九寸廣三尺四寸在諸城
縣常山祠

右碑文十七行字徑一寸五分紀年在首行標題下字徑
五分碑文與東坡本集校之互有不同如禱雨於茲山集
無雨字十餘步集作十五步斲石集作琢石爲井下集多
其深七尺廣三之二八字之詩下集無六章二字司其昧
集作尸其昧是也縣志載此碑尙有碑陰列知州通判等
銜名拓者遺之

蔡元帥先塋碑

至元十九年十二月立正書碑高一丈廣四尺在樂安縣城北五里

綦公元帥先塋之碑

翰林學士承旨中奉大夫王磐撰

嘉議大夫前吏部尙書

兼太常卿徐震篆額

前應奉翰林文字李元美書丹

韓國上將軍都元帥宣慰使綦公託其門下士鹽判郭鵬南學錄薛守正二人來京師致書翰林學士王磐其大略云口直起身農畝才能不逮中人早從國政長備戎行數十年間致位通顯子孫興盛口戶昌榮自顧僇庸何以得此是皆祖先積累陰德不享其報鐘其餘慶於不肖之身耳今也思親不見報德無從雖有萬鐘之祿三牲之養亦無以盡其孝心矣唯是發揮潛德刻之金石光諸松楸昭口口世者願以爲託予衰病廢筆硯

力辭不可得則案行狀蔡氏世爲益都樂安縣人自元帥而上可知其名氏者蓋兩世祖諱文妣楊氏父諱旺妣劉氏孝友仁慈累世相承以農爲業貲產富厚樂賑施口口里所敬愛金之季年國勢窘蹙時有橫斂於民貧不能供者輒拘繫榜掠之祖府君嘆曰事勢至此雖有粟吾得而食諸乃發藏粟百餘斛散給里中貧者助其輸納祖府君嘗夜寢室中有物動於牀下口燈視之一偷兒從牀下匍匐而出惶懼拜伏求哀府君語之曰勿怖勿怖汝非爲盜者蓋爲饑寒所逼耳卽取錢帛遺之自送至大門外偷兒拜謝而去府君亦未嘗語里中人兵亂之餘河朔饑饉餓殍口野父府君發藏粟命家人舂搗爲糜粥以濟饑民所全活者不可勝數嘗有鄉人鬪爭相擊候至僵仆遂死者法當償命父府君哀其人家貧且有老母遂多捐家財以奉苦

主爲其人贖命得免死父府君享年八十有四妣劉氏先卒享年六十有一子男二人長曰公直次曰方直方直資性倜儻便習弓馬今居管庫之任公直卽元帥公也明敏剛毅膽智過人年十七八爲縣吏以廉幹爲令所知二十餘卽隸軍籍從事於連折間能以智謀勇敢服其儕輩儕輩莫敢與爲等夷不數年擢升馬步諸軍鎮撫都彈壓城壁樓櫓戰艦守禦之具軍中一切繁劇事務悉皆掌之靡不辦集後以病退歸居閑者六七年至元五年本路委之勸課農桑公爲立藝桑育蠶之法數年民獲利增倍改監辦寧海等處課程事凡細碎擾民者公悉罷之民大以爲便瀕海地里荒遠有虎爲民害公親挾弓矢求虎射殺之東州士大夫多爲歌詩以誇詠其事十年奉

朝命詣高麗國督造戰艦功畢授京南路招討使公到任治軍

有法恩威兼著百姓爲立德政之碑北遺吉贛士庶遮道攀轅
挽留其後吉贛等處愚民有叛亂者官遣人招之猶曰還我蔡
招討來我輩自不反是歲歸覲

上顧遇甚厚授招勇大將軍賜佩金虎符充管軍萬戶仍擬一
子佩元帶金符充招討使公辭以其子年幼未堪軍旅之事今
臣父年老願乞一子以微職居家代臣侍養臣得專心竭力疆
場無憾矣

上心惻然憫其孝而嘉其忠特命其長子授敦武校尉充樂安
縣令仍不遷移西夏地羌戎雜居叛服不常公受

命往屯田鎮守數年號令嚴明賞罰信必軍民相安農戰並修
口安西王嘉其能屢有賜賚十八年復被

命赴上都授輔國上將軍都元帥宣慰使鎮守西邊仍授第三

子懷遠大將軍佩虎符充萬戶領其父元管軍營事及陞辭日上問及公家事公云父歿五年未及奔喪餘無所陳

上乃聽公歸家給假一月道經濟南遂用

朝命所得賜物於山東轉運司代納樂安閭縣軍民二年酒稅河泊等課元寶楮幣五千餘緡又與本縣貧民代納欠少差發仍散施錢物以濟貧民居鰥不能娶者爲出聘財以成之及家過門不入徑赴祖先墳塋號哭盡哀然後歸至其家以舊墳營兆頗隘遂於祖塋之北買鄰田十畝以增廣之自曾祖祖父以下各依尊卑位置安葬訖嗚呼古人有言養生不足以當大事唯送死可以當大事若元帥蔡公者生則致其榮養歿則極其悲哀以舊墳頗隘則增大而新之旣增大而新之則又發揮潛德勒銘豐碑昭示後世以爲不朽之計其於當大事之言蓋庶

幾矣元帥子男五人曰泰樂安縣尹曰晉管軍萬戶曰孫曰升
曰渙未仕女三人長適管軍總管劉禹餘幼在室方直子男三
人曰謙曰益曰節女二人俱幼銘曰

山石蘊玉 草木輝光 淵深藏珠 川容媚長 樂安綦氏
爰處其鄉 孝友仁慈 化共一方 積之既厚 發之必
昌 篤生賢子 爲 國忠良 智謀英果 剋禍

除殃 仁心惻隱 裨致時康 權位尊崇 祿厚財豐 雙
親往矣 誰與同榮 樹欲安寧 風枝不停 昔人悲嘆
今古同情 書札殷勤 千里求文 勒之貞石 用賁邱墳
我作銘詩 語無妍姿 案其行實 直寫忱辭 春秋霜
露 以慰其孝子無窮之思

晉大元至元十九年十二月上旬四日輔國上將軍都元帥宣

慰使孫男墓公直立石

監造口功元

陰陽提領郭潤

益都路石匠都作頭盧興盧

銘張質孫口

右碑篆額未拓文二十六行字徑一寸二分末監造等姓名一行字徑八分案縣志載墓公直墓祖文父旺弟方直子泰俱附葬是祖父之墓乃公直所營其後并公直等附葬之也公直元史有傳出處大槩與碑同惟公直之子五人第三子碑曰豫史作忙古台第五子碑曰渙史作瑗彼此互異史稱公直從丞相伯顏進戰於洪水山敗之追擊浸遠援兵不至第五子瑗力戰而死公直與妻及忙古台俱陷焉二十四年忙古台奔還授定遠大將軍中侍衛親軍副都指揮使改湖州砲手軍匠萬戶討衢州山賊有功

加昭勇大將軍泰後終於寧海州此皆碑所未及載也碑文爲王磐撰元史磐傳稱磐資性剛方阿合馬方得權致重幣求文於碑磐拒弗與其作此文蓋重蔡公直之爲人也

谷山寺七佛閣記

至元二十一年正月立八分書額正書碑高六尺四寸廣三尺一寸在泰安縣東北谷山寺

右碑額題藥師七佛閣記三行字徑四寸文二十三行字徑一寸三分間復撰文李謙書王磐題額

高里七十五司碑

至元二十一年立正書碑高四尺三寸廣二尺七寸七分在泰安縣高里山神祠

右碑分上下二列皆刻七十五司塑像施主姓名七十五司皆主吉凶禍福分理冥府之事爲東嶽輔相所驅使之神也

蒿里七十五司神房誌

至元二十二年正月立正書篆額碑高七尺廣二尺八寸在泰安縣蒿里山神祠

右碑額題東嶽蒿里山三司六案七十五司神房誌四行字徑三寸五分誌文及年月凡四行分刻兩旁中刻三司六案七十五司姓氏籍貫凡六層字徑一寸

朝元觀碑

至元二十二年三月立并額俱篆書碑高八尺四寸廣三尺在泰安縣城北岱宗坊西

右碑額題岳陽重修朝元觀記二行字徑四寸文二十行
字徑一寸三分徐世隆撰文劉惟一篆書體瘦勁殊有法
度

劉氏先塋碑

至元二十二年七月立正書碑高九尺八寸廣三尺七寸
在益都縣東北趙塢東巨洋水北岸

劉氏先塋之碑

益都路作頭盧鎔盧鑄胡海同刊

翰林集賢侍講學士中順大夫同領會同館事閻復撰

太子左諭德李謙書

翰林修撰楊文郁篆額

輔國上將軍征東行中書省左丞僉書沿江行樞密院事劉公
國寶因友人戶部郎中唐君仲輝持家傳及平生戰績踵門致
謁曰不肖以祖考遺澤奮身戎行厯位華顯在制得碑先□□

論謨先德顯揚於後者不在斯文乎惟子職居紀述敢請銘諸樂石復辭讓再三以仲輝之故不得終辭竊惟忠孝臣子之大節也惟公勇於赴敵盡瘁國事非忠而何立身揚名以顯父母非孝而何合是二美萃于一門其銘之也固宜乃爲敘而銘之謹按劉氏之先系出女真望族本姓烏古論氏逮至

國朝始改今姓先世瑩域在泰州普一路者不知其幾昭穆矣祖仕金季襲世爵爲千戶諱謀道遜名諱行實皆無所於考父

諱德寧

字空三

國初侍

宗王韓成以掾屬從軍久之益見親用

王旣畫境青齊得承

字空三

制封拜以其才堪治郡遂命副蒙古

官合刺溫管領益都路軍民公事因而家焉春秋五十有八以疾卒妣與里氏渤海人祖官至龍虎衛上將軍資稟賢明治家

有法享年七十而卒子男四人長曰國秀次曰國才今居遼東
次曰國華嘗任山東淮南行省理問官早卒次曰國傑是爲輔
國公國寶其字也幼讀書長習騎射以門閥從軍攻下口海有
功擢軍馬隊長至元六年

王師有事於宋以材勇應選爲管軍千戶襄樊之役分屯万山
堡宋人伺我軍渡江樵採發兵萬五千人欲擣其虛堡中兵可
戰者不滿數百陣旣成列公首出口敵衆因乘之宋人敗走斬
首四千餘級主帥嘉其功賞銀百兩俄奉軍前行中書省檄攝
万户提兵二千人鈔略荆南歸峽等州深入敵境轉戰數百里
俘獲生口萬計師還賞銀百兩復與宋人戰於城下殺掠甚衆
賞銀五十兩樊城外藩曰東土城主計命公取之豎雲梯先登
俄中火炮夷其左股裹創力戰遂平其城奏功於

朝特降璽書金符加武略將軍襄陽被圍既久城中乏食宋人有矮張都統者潛師運糧以入省檄命公以八十艘邀其歸路宋人製爲輪船數百結棧相連狀若城堡舟師運糧其中一夕順流而走公先獲間者偵知出期中流逆擊之舉火聲砲我軍繼至鏖戰三十餘里舟中之血沒踝生獲矮張都統樊城夾漢水宋人置椿檣水中以成輔車之勢公馭戈船溯流而上斷拔椿檣與宋人戰盡毀樊城南面木柵埋其壕塹進攻外城城上矢石如雨會日暮我軍引退詰旦復選銳卒坎墉以登拔之未幾樊城亦下是役也公身被數創尋卒

字三

詔旨入朝賞銀百

兩及內府錦衣弓矢鞍轡再加武德將軍管軍總管渡江之役大軍次郢宋人築黃園城堡以絕要津省檄付公三百人徑往奪其城堡大軍旣進郢將趙都統率騎兵襲其後公還擊走之

斬首七百餘級行省上其功

字三

詔賜金虎符加武節將軍繼

取沙洋新城二堡皆宋人阨塞處也師次洋洛渡公先以五十艘退其守兵進攻城堡凡三晝夜乃拔以功賞銀二百五十兩次丁家洲宋將孫虎臣万艘橫江以禦我師公時以選鋒當前大軍既合敵衆潰亂追奔逐北直抵蕪湖以功超受管軍万户是後略地江南累功賞銀至千兩惟揚之役

字三

詔公以五千

人立揚子橋堡以阨宋兵往來宋將張都統率數万人暮夜來寇我師嚴備宋人既失利遲明開門縱兵追擊彼衆大敗自相蹂踐溝港爲之斷流遂擒張都統有

字三

詔褒諭賜名曰霸都

益

國朝驍勇之稱揚州糧援既絕守將李庭芝棄城遁走追襲至

泰州斬首千餘級江淮悉平奉

武三

詔入朝賞銀千兩及錦衣

弓矢鞍轡之屬仍

字空三

賜璽書金虎符僉書西川行樞密院事

未赴有

詔統侍衛軍鎮撫北方師還遷鎮國上將軍漢軍都元帥

字空三

賜以內府錦衣玉帶弓矢鞍轡及寶鈔五千緡復領侍衛軍萬人北至金山屯田和林安集歸化戶民所全活者餘數万口還加輔國上將軍以海夷未賓再遷征東行中書省左丞駐兵廣陵會福建逋寇黃華作亂烏合至十餘万公將二万人討平之二十一年冬入

字空三

覲京師會置沿江行樞密事院節制諸道

戍兵

詔公僉書院事行中書省左丞如故先是公既受西川行院之

命

聖上憫其勤勞聽子弟一人襲爵遂以先佩虎符傳之猶子漢

臣充管軍萬戶公先娶曹氏早卒今夫人李氏次姜氏次王氏
男曰愛先不花李氏所出姪男二人長曰漢英次卽漢臣皆國
華之子初公之考妣權措於益都城南以至元己卯正月己酉
日備禮合葬於益都縣東北四十五里麻家營汧河之陽從吉
兆也復旣爲公敘述先世事蹟仍以戰多爵賞附諸篇末尙俾
來者知劉氏起家有自以爲臣子忠孝之勸云銘曰

劉氏之先 派發金源 職長千夫 世爵相傳

聖元龍飛 儼景同懸 還定安集 佐治海藩 輔國桓桓

寔大其家 桓桓維何 戰功曰多 犀甲蛇矛 一葦江

沱 馬革裹尸 誓爲伏波 載策殊勳 金虎煌煌 玉帶

錦衣 爲龍爲光 出入將相 榮歸故鄉 乃卜先塋 汧

河之陽 旁置萬家 允協吉兆 豐碑有銘 以勸忠孝

皇朝通志卷之二十一
皆大元至元二十二年七月上旬六日輔國上將軍行中書省
左丞簽書沿江行樞密院事口口國傑立石

右碑篆額未拓文三十行字徑一寸二分首行標題下刻
刊石姓名字徑七分間復撰文李謙書丹段赤亭云此碑
文體簡淨書法端嚴與宣武戰功可爲三絕碑中所紀多
與史合間有不合者乃詳畧之不同耳如碑謂其姓烏古
論史謂其姓烏古倫蓋以華言譯國語原無定字襄陽所
擒矮張都統史謂宋將張貴也揚子橋所擒張都統史謂
宋將張林也賜名曰霸都史曰國傑行第二回呼之曰劉
二霸都而不名武宣實行第四云第二者史之失也碑係
至元二十二年立故敘戰功止於二十一年而平定兩粵
滇黔兩湖江右等處舉未述及公後以大德七年春擒斬

蛇節宋隆濟阿女等夷入覲命還益都上冢八年還鎮二月病卒年七十二史稱其姓雄猛視死如歸嘗語人曰吾爲國宣力雖身棄艸野不恨何必馬革裹屍還葬哉且善推誠得士心故能立功如此計聞帝深悼惜贈推宗効力定遠功臣光祿大夫司徒柱國封齊國公諡宣武子脫歡湖廣行省平章政事尙憲宗孫女碑內云男曰愛先不花豈後更名爲脫歡耶圖復弱冠師事名儒元好問校試東平預選者四人復爲首徐炎李謙孟祺次之謙由東平府教授遷太子左諭德終集賢大學士是碑乃宣武爲其考妣合葬而立公之隴今其後人竟不能指名惜哉

蒲萊路重修講堂記

至元二十二年十月立正書石高一尺八寸廣二尺五寸

五分在淄川縣學

右刻文二十五行字徑八分姜師聖撰孫元中書

新公禪師塔銘

至元二十二年十二月立正書篆額碑高六尺廣三尺五分在長清縣靈岩寺

右碑額題新公禪師塔銘三行字徑三寸五分文三十一行字徑八分進士雷復亨撰山東東西道提刑按察使漆水耶律希逸書丹并篆額希逸元史有傳稱其官淮東宣慰使不載山東提刑按察使是其畧也

章邱縣增修廟學碑

至元二十三年正月立正書篆額碑高六尺六寸廣二尺八寸在章邱縣學

右碑額題增修章邱縣廟學記二行字徑三寸文二十行
字體大小不等胡祇通撰書曹質篆額

重修清涼寺碑

至元二十三年二月立正書篆額碑高八尺三寸廣三尺
五分在臨邑縣清涼寺

右碑額題重修清涼禪院之碑二行字徑三寸文二十四
行字徑九分納道昕撰書并篆額

兗州學記

至元二十三年五月立正書碑高六尺六寸廣三尺五寸
在兗州府學

右碑篆額未拓文二十一行字徑一寸吳衍撰文張孔孫
書楊桓篆額

長清縣重修廟學碑

至元二十三年五月立并陰俱正書額八分書陰額篆書
碑高一丈一尺四寸廣三尺七寸在長清縣學

右碑額題重修長清縣廟學記四行字徑三寸六分文十
八行字徑一寸八分胡祇通撰書李謙題額碑陰額題碑
陰記三字橫列徑四寸五分文十五行字徑一寸二分後
刻官屬姓名廟地畝分之類凡七行字徑一寸記文爲教
諭張鵬撰亦稱敍在書與萊蕪縣學碑同

雲門山不忽木等題名二種

至元二十三年七月刻正書崖高四尺三寸廣三尺五寸
在益都縣雲門山陰洞東石壁

右刻一題樞府斷事官東安孫讓闕益都路同知奧屯茂

府

闕

東原張從溫經歷焦傳

闕

至元丙戌中元日同來大

元人不忽木題凡五行字徑四寸一題不忽公卽嘉

闕中

署工部尙書

闕

后三日傳霖

闕

凡三行字徑三寸刻於前

碑之後

張氏世德第二碑

至元二十三年十二月立正書碑高七尺一寸廣三尺三

寸五分在濟陽縣城北張總管墓上

右碑篆額未拓文二十七行字徑一寸二分胡祇遒撰楊

桓篆額曹質書丹案張總管先世墓有二碑其第一碑乃

至元三年高詡撰此其二也名爲世德碑其實敘總管張

炳之政蹟皆前碑所未備者其中如官鎮江路總管府達

魯花亦辭疾還家買書八萬卷以萬卷送濟南府學供作

養學者此一事卽可以風世其他政蹟又無論已

左丞相忙兀臺公光昭先祖神道碑

至元二十三年立正書碑高一丈八寸廣四尺四寸五分
在東平州王陵臺西

右碑篆額未拓文四十五行字徑一寸徐世隆撰文張孔
孫書丹王博文篆額碑題云光昭先祖者乃忙兀臺追述
其祖塔思公之戰功遺德立碑墓上猶言先德而此以光
昭文其辭也碑敘朝廷賜物甚多前紀其祖德次紀忙兀
臺事蹟後乃勉其子孫不忘祖訓是豈得以諛墓之文例
之哉

重修東方朔廟碑

至元二十四年閏二月立正書碑高五尺廣二尺五寸五

分在高唐州東北十里東方朔祠舊址

右碑篆額未拓文十九行字徑一寸二分間復撰劉賡書
楊桓篆額

故濱棣叅議張公墓碑

至元二十四年閏二月立并陰俱正書額八分書陰額正
書碑高九尺六寸廣三尺六寸五分在海豐縣城北

右碑額題大元故濱棣叅議張公碑二行字徑四寸文磨
滅幾盡僅存百餘字徑一寸碑陰額題張氏世系之圖六
字橫列徑四寸中列名三層亦皆磨滅

高唐州重建廟學碑

至元二十四年七月立正書碑高八尺廣二尺八寸在高

唐州學

右碑額未拓文二十一行字徑一寸二分間復謬商挺書
并題額

濟寧路總管府記

至元二十四年七月立正書碑高九尺五寸廣四尺三寸
五分在鉅野縣

右碑額未拓文二十八行字徑一寸三分胡祇通撰書并
題額案碑中所列公主駙馬之名以元史公主表校之間
有互異者表云魯國大長公主也速不花廢宗女也適皇
國舅魯忠武王案喚那顏子幹陳駙馬魯國公主薛只干
太祖孫女適幹陳弟納陳駙馬魯國長公主完澤適幹陳
男幹羅真駙馬魯國大長公主囊家真世祖女適納陳子
帖木兒再適帖木兒弟蠻子台碑與史表互校更得其詳

碑云州人敬述遺命請于幹羅眞駙馬囊家眞公主以史
攷之則幹羅眞之妻乃完澤而囊家眞之駙馬乃帖木兒
也囊家眞奏立鉅野縣事在至元六年而此碑立於至元
二十四年相距二十年史稱囊家眞初適帖木兒再適蠻
子台不知此碑後段所列之駙馬是帖木兒抑爲蠻子台
不可考矣

太清觀碑

至元二十四年九月立正書碑高六尺九寸廣三尺三寸
在曹縣太清觀

右碑篆額未拓文二十九行字徑一寸何意孫撰李南古
書丹并篆額

重修東嶽行宮碑

山陰縣志卷二十一
至元二十四年十月立并額俱正書碑高二尺四寸廣二尺九寸在滋陽縣

右碑額辛亥之西名湍水時人箇箇皆不識爲囑莊中少長民此後勿言是鍛裏二十八字分七行行徑五分文三十行字徑六分案洗水在縣治西北三十里碑云洗水之東有湍水俗謂之鍛因題二十八字於額以辨之今則湍水鍛水皆不存其名矣

諸城縣重修廟學碑

正元二十五年四月立正書碑高六尺四寸廣二尺八寸在諸城縣學

右碑篆額未拓文已裂爲二段凡十九行字徑一寸宋革書撰王口篆額

濱州重修廟學碑

至元二十五年五月立正書碑高五尺四寸廣二尺六寸
在濱州學

右碑篆額未拓文二十七行字徑八分江南湖北道提刑
按察使周止撰男徵書并篆額

濮州學記

至元二十五年六月立正書碑高五尺六寸廣三尺一寸
在濮州學

右碑篆額未拓文二十四行字徑一寸吳衍撰并書李處
翼篆額

萊州知州史烜祭東海神廟記

至元二十六年二月立正書碑高三尺四寸廣三尺五寸

在掖縣東海神廟

右碑文二十一行字徑一寸案元史世祖本紀至元二十六年正月辛丑遣使代祀岳瀆后土東南海此所記者卽代祀東海之事也

青城縣廟學碑

至元二十六年四月立正書碑高八尺廣三尺五分在青城縣學

右碑額未拓文二十八行字徑一寸二分楊威撰顏中書丹石晰書額

諸城縣學增修門垣記

至元二十六年五月立正書石方廣二尺五寸在諸城縣學

右碑文二十五行字徑八分學正朱革撰書

都指揮使郎簡墓誌銘

無年月正書石高六尺八寸廣三尺一寸在掖縣城西郎村

右刻文字殘闕莫辨行數據縣志知爲郎簡墓誌文稱郎公從伯顏南伐拔連水稻其時乃至元十二年間事後云二十六年以疾卒于口則立碑當亦不遠今卽增於是年之後

重修白雲觀碑

至元二十七年三月立正書碑高五尺二寸廣二尺八寸在博山縣後峪社

右碑篆額未拓文二十九行字徑九分丁志純撰于仲謙

書丹篆額

長生萬壽宮碑

至元二十七年九月立正書碑高八尺廣三尺八寸在掖縣神山萬壽宮

右碑未見拓本據朱朗齋所錄載之文三十行字徑一寸撰書姓名已缺

駝山重建昊天宮碑

至元二十七年十月立并陰及額俱正書碑高四尺八寸廣三尺一寸五分在諸城縣駝山昊天宮

右碑篆額未拓文二十行字徑一寸三分通元大師賜紫金襴魏道明書丹篆額碑陰額題助緣功德宗派之圖八字橫列字徑二寸中列施主姓名及道流宗派字體大小

不等

滕縣重修文廟碑

至元二十八年正月立正書碑高五尺二寸廣二尺六寸
在滕縣學

右碑篆額未拓文十七行字徑一寸將仕佐郎孔顏孟三
氏子孫教授曹大本撰中順大夫海北廣東道提刑按察
副使李克忠書敦武校尉德平縣尹兼諸軍奧魯兼勸農
事劉鑄篆額案孔顏孟三氏子孫設教授官始於中統二
年九月從大司農姚樞請也

曹州重修濟瀆廟碑

至元二十八年六月立正書碑高六尺九寸五分廣三尺
五寸在曹州府城西關濟瀆廟

右碑額未拓文二十四行字徑一寸四分商號撰并書

重募嶧山碑

至元二十九年三月立篆書凡三石合爲一碑高五尺三寸五分廣五尺六寸在鄒縣

右碑文二石凡十五行字徑二寸五分後刻劉之美記文一石行書八行字體大小不等案宋歐陽修云今俗傳嶧山碑史記不載其字跡大不類秦蓋嶧山本無此篆存者皆出後人傳刻今陝西有淳化四年鄭文寶所刻徐鉉寫本結體分行實非秦舊此碑似又從陝本重募更不足取以琅邪泰山二刻校之眞贋可立辨也

金山寺碑

至元二十九年十月立正書碑高六尺二寸廣二尺九寸

在棲霞縣金山寺

右碑文十五行年月銜名十一行字徑一寸三分大半漫滅惟年月尚可辨耳

炳靈王廟碑

至元二十九年十月立正書碑高六尺二寸廣三尺在淄川縣

右碑篆額未拓文二十七行字徑五分後有銜名十餘行皆漫滅撰文者張翥篆額者口琥書丹者高口

城武縣重修文廟碑

至元二十九年十二月立正書碑高五尺七寸廣二尺七寸在城武縣學

右碑篆額未拓文二十一行字徑一寸二分末角有王用

刊三小字李謙撰文智京書丹并篆額

懸泉寺記

至元二十九年十二月立并額俱正書碑高五尺二寸廣二尺四寸在臨朐縣演德寺

右碑額題懸泉寺記二行字徑二寸八分文二十二行字徑一寸董飛龍撰文書丹文辭俚鄙書體尤多譌誤不足深論也

商琥等超然臺詩刻

至元二十九年刻正書石高一尺四尺五分廣二尺六寸在諸城縣超然臺壁間

九月十八日過東武登超然臺有懷
廉訪 仲瑋因聞亂

道

聯轡城南興未忘
安邱寂寞值重陽
事中感否防官謗
客裏奔馳厭路長
對菊始知佳節在
開尊忽憶少年狂
此時盼殺雲門伴
同上高臺醉一場
商琥

廉訪副使石公案部東武畱題以勵學者

勉爾青衿子詩書
此生雞窗今日
勝異時名德
力荒淫莫縱
無學問老

至元壬辰

下闕

宣

下闕

右詩刻十二行字徑一寸三分前後標題姓名八行字徑八分

重摹唐夫子廟堂碑

無年月正書碑高六尺二寸廣二尺八寸在城武縣學

夫子廟堂之碑

太子中舍人行著作郎臣虞世南奉勅撰并書 司徒并州牧
太子左千牛率兼檢校安北大都護相臣王旦

微臣屬書東觀預聞前史若乃知幾其神惟睿作聖元妙之境
希夷不測然則三五迭興典墳斯著神功聖跡可得言焉自肇
立書契初分爻象委裘垂衣之風革□□商之業雖復質文殊
殊進退與時同驛不拜洛觀河膺符受命名居域中之大手握天
下之圖象雷電以立威刑法陽春而流惠澤然後化漸八方令
行四海未□偃息鄉黨棲遲洙泗不預帝王之錄遠跡肯史之
儔而德侔覆載明兼日月道藝微而復顯禮樂施而更張窮理
盡性光前絕後垂範百王遺風於萬代□歟偉歟若斯之□者
也夫子膺五緯之精踰千年之聖固天縱以挺質稟生德而降

靈載挺空來自標河海之狀纔勝蓬掖克秀堯禹之姿知微知章可□□□□而不□□□□□□□□感而遂通顯至仁於藏用祖述先聖憲章往哲夫其道也固以孕育陶均苞含造化豈直席卷八代并吞九邱而已哉雖亞聖鄰幾之智仰之□□□亡吳霸□□□□之而不及于時天歷浸微地維將絕周室大壞魯道日衰永歎時艱實思濡足遂遁降跡中都俯臨司寇道超三代止乎季孟之間義論五伯略從□夫□□固知□□弗已□在于求仁危遜從時義存於拯溺方且重反淳風一匡末運是以載贊以適諸侯懷珪而遊列國元覽不極應物如響辯飛龜於石函驗集□□□木角□既□□□能對識凶象之在川明商羊之興雨知來藏往一以貫之但否泰有期達人所以知命卷舒唯道明哲所以周身膺里幽憂方顯姬文之德夏臺

羈紲弗□商王之武陳蔡□□□□歟於是自衛反魯刪書
定樂贊易道以測精微修春秋以正褒貶故能使紫微降光丹
書表瑞濟濟焉洋洋焉充宇宙而洽幽明動風雲而潤□海斯
皆紀乎竹□□□□既而仁□非時鳴鳥弗至哲人云逝峻
嶽已隕尙使泗水却流波瀾不息魯堂餘響絲竹猶傳非夫體
道窮神至靈知化其孰能與於此乎自□□遺芳垂絕□□
□中道濟天下及金冊斯誤玉弩載驚孔教已焚秦宗亦墜漢
之元始永言前烈褒成爰建用光祀典魏之黃初式遵故訓宗
聖疏爵允緝舊章金行□□□斯義而晦明匪一□□遞有
筐宮蘋蘩與時升降靈宇虛廟隨道廢興炎精失御蜂飛螭起
羽檄交馳經籍道息屋壁無藏書之所階基絕函丈之容五禮
六樂□□□□□□紀屬大唐運膺九五基超七百赫矣

王猷蒸哉景命鴻名盛烈無得稱焉皇帝欽明睿哲參天兩地
迺聖迺神允文允武經綸云始時惟龍戰爰整戎衣用扶興業
神謀不測妙算無遺宏濟艱難平壹區宇納蒼□□□□□
□□□□職兼三相位總六戎元珪乘石之尊朱戶渠門之錫
禮優往代事踰恒典於是在三聰命兆庶樂推克隆帝道平承
鴻業明玉鏡以式九圍席□圓而御六辯此奉□□□肅恭清
廟宵衣旰食視膳之禮無方一日萬幾問安之誠彌篤孝治要
道於斯爲大故能使地平天成風淳俗厚日月所照無思不服
倬彼獯戎爲患自古周道再興□□□算漢圖方遠纔聞下冊
徒勤六月之戰侵軼無應空盡貳師之兵憑凌滋甚皇威所被
率賴厥角空山盡漠歸命闕庭充仞藁街填委外殿開闔以來
未之有也靈臺偃伯□關虛候江海無波烽燧息警非煙浮漢

榮光莫河枯矢東歸白環西入猶且兢懷馭朽興倦納隍卑宮
菲食輕徭薄賦斷珎反樸抵璧藏金革舄垂風綈衣表化歷選
列口口求遂古克已思治曾何等級於是渺屬聖暮疑心大道
以爲括羽成器必在膠雍道德潤身皆資學校矧迺入神妙義
析理微言厲以四科明其七教懿德高風垂袞斯遠而棟宇弗
脩宗祧莫嗣用紆聽覽爰發絲綸武德九年十二月廿九日有
詔立隨故紹聖侯孔嗣哲子德倫爲褒聖侯乃命經營惟新舊
址萬雉斯建百堵皆興揆日占星式規大壯鳳臺鸞其特起龍
桷儼以臨空霞入綺寮日暉丹檻宵窅崇邃悠悠虛白圖真寫
狀妙絕人功象設已陳肅焉如在握文履度復見儀形鳳時龍
蹲猶口咫尺呢尔微嘆若聽武城之絃怡然動色似登簫韶之
響澹穆盛服旣覩仲由侃侃禮容仍觀衛賜不疾而速神其何

遠至於仲春令序時和景泚皎潔璧池圓流玉鏡青葱槐市總
翠成帷清滌元酒致敬於茲日合舞釋菜無絕於終古皇帝以
幾覽餘暇遍該羣籍乃製金鏡述一篇永垂鑒試極聖人之用
心宏大訓之微旨妙道天文煥乎畢備副君膺上嗣之尊體元
良之德降情儒術遊心經藝森寺敦於六義沛易明於九師多
士伏膺名儒接武四海之內靡然成俗懷經鼓篋攝齋趨與並
鏡雲披供餐泉湧素絲旣染白玉已彫資覆匱以成山導涓流
而爲海大矣哉然後知達學之爲貴而宏道之由人也國子祭
酒楊師道等偃元風於聖世聞至道於先師仰彼高山願宣盛
德昔者楚國先賢尙傳風範州文學猶鐫口頌况帝京赤縣
之中天街黃道之側聿興壯觀用崇明祀宣文教於六學闡皇
風於千載安可不贊述徽猷被之雕篆乃抗表陳奏請勒貞碑

爰命庸虛式揚茂實敢陳舞詠迺作銘云

景緯垂象川嶽成形挺生聖德實稟英靈神凝氣秀日角珠庭
探賾索隱窮幾洞冥述作爰備邱墳咸紀表正十倫章明四始
繫續羲易書因魯史懿此素王邈焉高軌三川削弱六國從衡
鶉首兵利龍文鼎輕天垂伏鼉海躍長鯨解蔽去佩書燼儒坑
纂堯中葉追尊大聖乃建褒成膺茲顯命當塗創業亦崇師敬
胙土錫圭禮容斯盛有晉崩離維傾柱折禮亡學廢風頽雅缺
戎夏交馳星分地裂蘋藻莫奠山河已絕隨風不競龜玉淪亡
樽俎弗習干戈載揚露霑闕里麥秀鄒鄉修文繼絕期之會昌
大唐撫運率由王道赫赫元功茫茫天造奄有神器光臨大寶
比蹤連陸追風炎吳於錄元后膺圖撥亂天地合德人神攸贊
麟鳳爲寶光華在且繼聖崇儒敦修輪奐義堂宏敞經緯紆縈

重欒霧宿洞戶風清雲開春牖日隱南榮鏗聒鐘律獨潔盡明
容範既備德音無斁肅肅升堂兢兢讓席獵纓訪道橫經請益
帝德儒風永宣金石

右碑文三十三行字徑八分不詳重摹時代朱朗齋據縣
志載廟學重修於至元二十九年遂定此刻亦在是時增
於至元二十九年之末錢辛楣少詹云孔子廟堂碑在城
武縣學者非元刻其書銜以相王旦爲相臣王旦則誤也
碑文有云俛尔微俛俛尔者莞尔之別體集韻覓尔笑貌
或作莞院碑作俛則又院之譌也廣韻集韻俱以咲爲俗
字伯施名家不免雜以俗體蓋小學不講久矣碑又以覆
簣之字作匱攷漢書王莽傳成不一匱小顏引論語未成
一匱解之班固典引並開迹于一匱章懷注亦引此語則

古者質與匱通

元

案此碑舊拓猶纖約後經河水浸淤土

泥膠滯字畫中爲人剔治更覺肥鈍失神碑云國子祭酒
楊師道等偃元風於聖世聞至道於先師案舊唐書楊恭
仁傳弟師道隋末自洛陽歸國授上儀同爲備身左右尋
尙桂陽公主超拜吏部侍郎累轉太常卿云云不言爲國
子祭酒者史文以累轉舉之得此可爲補遺也又翁覃溪
閣學云廟堂碑陝本已泐而城武本至正間始出未能据
以致唐刻也曾以宋拓本補其缺字摹勒於曲阜學舍凡
三石三百三十六字今以城武本互校偃息鄉下補黨栖
二字若斯之口者下補也字夫子膺下補五緯二字道濟
天下上補中字而晦明下補匪一二字平壹區字納下補
蒼字而御六辯下補兆字無思不服下補憬字所補者凡

十一字餘皆城武本所有又不同者三字標題夫子宋拓
作孔子紀屬大唐宋拓作允屬興倦納隍宋拓作興勝並
附識之